

Росси Федерациысь дышетонъя но тодосъя министерство  
Удмурт кун университет  
Удмурт кылосбур факультет  
Туала удмурт кыля но сое дышетон амальёсыя кафедра

**О. Б. Стрелкова**

**ТУАЛА УДМУРТ КЫЛ  
ЛЫДНИМ**

***СОВРЕМЕННЫЙ УДМУРТСКИЙ ЯЗЫК  
ИМЯ ЧИСЛИТЕЛЬНОЕ***



**Дышетон-амалтодослыко юрттос  
Учебно-методическое пособие**

**Ижкар 2011**

УДК 811.511.131'366(07)

ББК 81.664.1-9

С 842

*Печатлаське Удмурт кун университетсы  
амалтодослыко ёрилэн ёктэмезь  
Рекомендовано к изданию учебно-методическим советом УдГУ*

**Рецензент:** к. филол. н. Кондратьева Н. В.

### **Стрелкова О. Б.**

С 842 Туала удмурт кыл. Лыдним (Современный удмуртский язык. Имя числительное): Дышетон-амалтодослыко юрт-тос. Ижкар: «Удмурт университет» книгапоттонни, 2011. 37 б.

*Дышетон-амалтодослыко юрттос чакламын «Туала удмурт кыл: Морфология» курсэз дышетісь студентъёс понна. Татын пыр-поч эскерисько лыднимлэн вераськонлюкеттодос аспёртэмлыкъёсыз, пёрмемез, верантодос тодметъёсыз, котькуд малпан юнматэмын художественной произведениосысь басьтэм примеръёсын. Юрттослэн пумаз дэмламын кёня ке практической ужъёс, кудъёссэ быдэстыса, дышетскись ачиз но шёдыны быгатоз удмурт кылысь лыднимъёслэсь аспёртэмлыкъёссэс.*

Учебно-методическое пособие предназначено для студентов, изучающих курс «Современный удмуртский язык: Морфология». В работе рассмотрены морфологические особенности имени числительного, способы словообразования, синтаксические признаки, каждое положение иллюстрируется примерами из художественных произведений. В пособии также предложены вопросы для контроля и практические задания для самостоятельной работы студентов.

УДК 811.511.131'366(07)

ББК 81.664.1-9

© О. Б. Стрелкова, 2011  
© ГОУВПО «Удмуртский государственный университет», 2011

## Пушгросэз / Содержание

Азыкыл .....	4
Предисловие .....	5
Лыдним сярысь валан ( <i>Общие сведения о числительном</i> ) .....	8
Кöнялыко лыднимъёс ( <i>Количественные числительные</i> ). Кöняез возматйсь лыднимъёс ( <i>Собственно-количественные числительные</i> ) .....	9
Ёросэз возматйсь лыднимъёс ( <i>Числительные приблизительного значения</i> ) .....	9
Мосо лыднимъёс ( <i>Дробные числительные</i> ) .....	17
Собирательной лыднимъёс но прономинализация ( <i>Собирательные числительные и прономинализация</i> ) .....	18
Радлыко лыднимъёс ( <i>Порядковые числительные</i> ) .....	23
Тодмотэм лыдэз возматйсь кыльёс ( <i>Слова, обозначающие неопределенное количество</i> ) .....	25
Лыдним бордысь пöрмем сямкыльёс ( <i>Наречия, образованные от числительных</i> ) .....	27
Ужъёс ( <i>Практические задания</i> ) .....	30
Лыднимез эскерон ( <i>Схема разбора имени числительного</i> ) .....	32
Эскеронлы юанъёс ( <i>Вопросы для контроля</i> ) .....	33
Уже кутэм чеберлыко литература ( <i>Использованная художественная литература</i> ) .....	34
Инъет литература ( <i>Основная литература</i> ) .....	36
Ватсам литература ( <i>Дополнительная литература</i> ) .....	36
Интернетысь источникъёс ( <i>Интернет-источники</i> ) .....	37

## АЗЬКЫЛ

Гажано удмурт кылэн тунсыкъяськись студентъёс! Та дышетон-амалтодослыко юрттос чакламын чапак тй понна, анай кылмес дышетйсьёс но солэсь узырлыксь, аспөртэмлыкъёссэ эскерисьёс понна.

Удмурт кылысь лыднимёсты эскеронлы сйзем ужъёс туж ик трос өвёл, татын пусйыны луоз В. И. Алатыревлэсь, В. К. Кельмаковлэсь, П. Н. Перевошиковлэсь, Г. А. Ушаковлэсь гожтэмъёссэс, нош урал кылсемьяе пырись кылъёсысь лыднимёслэсь огъя тодметъёссэс эскеризы Г. Орбан, Б. А. Серебренников, К. Е. Майтинская, Л. Хонти. Удмурт лыднимёслэсь кылрадьян аспөртэмлыкъёссэс эскерись берпуметйез огъя тодослыко уж поттэмын 1962-тй арын, тун-нэ нуналлы удмурт кыллэн сөзнэтэз пыр-поч эскеремын вал шуыса шуг вераны, таёе муген ик тросэз кылрадьян тодэтъёс (кызы ке мукет вераськон люкетъёсья, озы ик лыднимёсья но) яке умойтэм пусьемын, яке зуч кылысь грамматикаослэн традиоссы вылэ пыкиськыса лэсьтэмын. Со дырысен трос выль ужъёс (соос пöлын лыднимёсья но статьяос, вакчияк огъясь тодэтъёс) печатламын, нош огъясь но лыднимез нимаз эскерись ужъёс та нуналлы өвёл. Котькуд вераськон люкетья радьям ужъёслэн кулэлыксы бадзым кызы ке удмурт кылтодосэз азинтон понна, озы ик дышетон удысын но.

Дышетон-амалтодослыко юрттос чакламын «Туала удмурт кыл: Морфология» курс понна. Татын пыр-поч эскерисько лыднимлэн кылрадьян аспөртэмлыкъёсыз, пöрмемез, верантодос тодметъёсыз, котькуд малпан юнматэмын художественной произведениосысь басьтэм примеръёсын. Ужлэн пумаз дэмламын кöня ке практической ужъёс, кудъёссэ быдэстыса, тй асьтэос но шöдыны быгатоды удмурт кылысь лыднимёслэсь аспөртэмлыкъёссэс. Со сяна ужлэн пумаз ёктэмын эскеронлы юанъёс. Та уж юрттыны быгатоз озы ик огъя кун экзамен сётыны дасяськыкуды но.

Кылосбур факультетын дышеткисьёс умой тодыны но шодыны кулэ анай кылмылэсь кылрадъянзэ. Тй шугъяськытэк уже кутыны мед быгатоды туала терминологиез, соин ик та юрттосын вань теоретической материал сётыны тыршемын, пöртэм удмурт нимкыльёсыз лыдэ басьтыса.

Умой мылкыд но азинконъёс тйледлы анай кылэз дышетонын!

## Предисловие

Уважаемые студенты! Данное учебно-методическое пособие предназначено для вас, тех, кто интересуется особенностями родного языка, его богатством и своеобразием.

Из года в год лингвистика как наука претерпевает изменения, пополняется знаниями, выходят в свет труды известных, а также только начинающих свою исследовательскую деятельность ученых. В удмуртском языкознании уделяется должное внимание рассмотрению проблем морфологии, но, к сожалению, среди опубликованных работ до сегодняшнего дня нет исследований, которые комплексно и всесторонне рассматривали бы имя числительное удмуртского языка. В работах зарубежных и отечественных языковедов мы достаточно часто находим вкрапления информации об удмуртских числительных и значительно реже – целые главы и полноценные статьи, посвященные рассмотрению проблем имени числительного (к примеру, можно отметить исследования таких ученых, как В. И. Алатырев, В. К. Кельмаков, К. Е. Майтинская, П. Н. Перевощиков, Г. А. Ушаков, Л. Хонти, Р. Бартенс, Г. Орбан).

Вместе с тем необходимо отметить, что зачастую авторы изданных трудов не учитывали особенности удмуртского языка как агглютинативного и опираются на традиции русского языкознания.

Имя числительное удмуртского языка как знаменательная часть речи заслуживает пристального и детального рассмотрения с точки зрения определения места в системе частей речи, выявления морфологических и синтаксических особенностей.

Данное учебно-методическое пособие предназначено для курса «Современный удмуртский язык: Морфология». Кроме теоретических сведений об имени числительном, которые подтверждаются примерами из художественной литературы, в работе вы найдёте вопросы для контроля, схему для анализа числительных и практические задания, выполнение которых поможет вам выявить и почувствовать особенности имени числительного как части речи, а также своеобразие родного языка. Пособие также окажет вам помощь при подготовке к итоговому государственному экзамену.

Материалы вы можете использовать и в собственной научно-исследовательской деятельности по проблемам морфологии удмуртского языка.

Данное учебно-методическое пособие предполагает формирование таких компетенций, как:

ОК-1 – владение культурой мышления; способность к восприятию, анализу, обобщению информации, постановке цели и выбору путей ее достижения;

ПК-1 – способность демонстрировать знание основных положений и концепций в области теории и истории основного изучаемого языка (языков) и литературы (литератур), теории коммуникации, филологического анализа и интерпретации текста, представление об истории, современном состоянии и перспективах развития филологии;

ПК-2 – владение базовыми навыками сбора и анализа языковых и литературных фактов с использованием традиционных методов и современных информационных технологий;

ПК-3 – свободное владение основным изучаемым языком в его литературной форме;

ПК-4 – владение основными методами и приемами различных типов устной и письменной коммуникации на основном изучаемом языке;

ПК-5 – способность применять полученные знания в области теории и истории основного изучаемого языка (языков) и литературы (литератур), теории коммуникации, филологического анализа и интерпретации текста в собственной научно-исследовательской деятельности;

ПК-6 – способность проводить под научным руководством локальные исследования на основе существующих методик в конкретной узкой области филологического знания с формулировкой аргументированных умозаключений и выводов.

Вы, студенты филологического факультета, должны уметь использовать терминологию, поэтому весь теоретический материал дается с учетом новой удмуртской терминологии в области языкознания.

Успехов вам в изучении теоретических основ родного языка!

## Лыдним сярсы валан

Лыдним – со сыће вераськон люкет, кудйз возматэ огшоры лыдэз (*вить, дас, куамын куать, сюрс*), арбериослэсь но явлениослэсь лыдзэс (*дас корка, кык толэзь, вить мурт, куинь гожтэт*) яке арбериослэсь но явлениослэсь лыдья радьяськемзэс (*кыкетй толэзь, дас витетй корка, тямьсэтй уж*).

Лыднимъёс *кӧня? кӧняетй?* юанъёслы валэктон сёто, веранын пӧртэм ёз луыны быгато:

1) бадӟымъёз (подлежащей): *Тани огез Галя доры лыктйз, сяськазэ сётэ, нош ымныраз нокыће шулдырез өвӧл* (Мадьяров Г. Аналтэм сяська); *Куамын кык лэсьтйськисьёс но соослы юрттыны висъямъёс пӧлысь дас ньылез чӧшатскон договор гожтйзы* (Медведев Г. Бадӟым нунал); *Дас одйг гурт. Соос пӧлысь сизыьмез Тылошурлы воксё палэнэ пуксьылэмын* (Самсонов С. Дыдыкъёс бус пӧлы уг йыромо);

2) йырӟёз (сказуемой): *Калык котькытын одйг* (Красильников Г. Тонэн кылысько); *Асьсэ санаториын кино возматэ, нош военнойслэн залзы кык: коть киное пыр, коть танеце* (Самсонов С. Гожтйсько тыныд – сопал дунее); *Тодйськоды-а, пе, малы адямилэн ымыз одйг луэ, кыыз но пельыз – кык* (Самсонов С. Дыдыкъёс бус пӧлы уг йыромо);

3) тодметъёз (определение): *Вот тыныд быдэ вуон, нырысетй уждун, кузьым* (Красильников Г. Тонэн кылысько);

4) ватсанъёз (дополнение): *Кызы луоз азыланыз – созэ мон али ик вераны уг быгатйськы, одйгзэ гинэ верало: асьмелы огмылэсь огмы кылзйськыса, кенешыса ужано луоз* (Красильников Г. Тонэн кылысько); *Куинь Галяос пӧлысь одйгезлы туннэ нунал бадӟым шумпотон ваиз* (Мадьяров Г. Аналтэм сяська); *Кыксэ быдэстыны удалтоз, дыр. Куинетйеныз вот герзаськи но нокызы люкиськыны уг быгатйськы* (Архипов Т. Адымилэн чеберез);



5) югдуръёз (обстоятельство): *Уждунмес толэяз кызь витёзь, собере дас витёзь кулэстйм* (Перевошиков Г. Ёыбыртты музеймлы); *Братцы-кролики, одйгысь гинэ зүзбылом, тусьты-тйрлык миськыны ву ёвёл* (Самсонов С. Дыдыкьёс бус пёлы уг йыромо).

Лыдним валэктоно кылыныз чёмысь герзаське примыкание амалэн, нош висъяс итэтэн луыкуз, согласование амалэн: *Кыкысьтыз ик возысь мешокъёс гуэ тыремын* (Валишин Р. Тёл гурезь); *Пыдын ветлонъяз-ветлонъяз учке но – огаз вашкала урамын Паустовскийлэсь вань томъёссэ кыре поттыса вузало* (Чернов П. Тулысысен сйзбылозь).

Удмурт лыднимъёслэсь сёзнэтсэс, валатонзэс но кылрадъян аспёртэмлыкъёссэс лыдэ басьтыса, тазы радъяны луысал:

1) кёнялыко (количественной) лыднимъёс:

а) көняз возьматйсь (собственно-количественной) лыднимъёс;

б) мосо (дробной) лыднимъёс;

в) ёросэз возьматйсь лыднимъёс;

г) собирательной лыднимъёс;

2) радлыко (порядковой) лыднимъёс.

Котькуд котретэз нимаз эскером.

### **Кёнялыко лыднимъёс Көняз возьматйсь лыднимъёс**

Удмурт кылысь кёняз возьматйсь лыднимъёслэн тодметнимъёсын но макенимъёсын огкадь луись тодметъёссы вань:

1. Тодметнимъёс сямен ик, соос макенимен примыкание амалэн герзасько, кылсярысь: *Көня ке улыса, кык бадзым чемоданъёсын пыриз Ямаев* (Архипов Т. Адямлэн чеберез); *Дас тямыс егит куараос нуназе пöсен чалмытскем урамъёсыз сайкатйзы* (Красильников Г. Тонэн кылисько).

2. Тодметнимъёс сямен ик, лыднимъёс висьясь -эз (-ез), -ыз итэтъёсын кутйськыны быгато. Таёе дыръя соос макенимен согласование амалэн герзасько, падежъя тупало: **Одйгаз** гужем **нуналэ** Саша институтлэн азбараз пуктэм скамья вылын татчы лыктэм врачъёсты возьмаса нукиз (Мадыяров Г. Аналтэм сяська); **Кыказ** ик **интыосы** быдэн кык кузя партизанъёсты келязы (Самсонов Е. Уй пал симфония); Роман Петрович соку **кыкеныз** ик **председательёсын** пумиськиз: *Першинэн но – колхоз председателенызы, Малыхен но* (Перевошиков Г. Гужем лымы).

3. Огшоры лыдэз возьматйсь лыднимъёс падежъёсья макенимъёс кадъ ик вошъясько:

Ниман	дас кык
Адзон	дас кыкез
Возьматон	дас кыклэн
Люкон	дас кыклэсь
Сётон	дас кыклы
Кельтон	дас кыктэк
Лэсьтон	дас кыкен
Тупан	[дас кыкъя] <sup>1</sup>
Интыян	дас кыкын
Пырон	дас кыке
Потон	дас кыкысь
Кошкон	дас кыкысен
Ортчон	[дас кыктй, дас кыкетй]
Лыктон	дас кыклань
Вуон	дас кыкозь

Кöня ке люкетъёслэсь пöрмем лыднимъёсын падежъёсья вошъяське берпуметй кылыз гинэ.

4. Огшоры лыдэз возьматйсь лыднимъёслэн, макенимлэн кадъ ик, луыны быгатэ асьян итэтсы: **Куамын куиням** гинэ *мынйсько, нош мыным нокин но витьтонлэсь öжыт уз сёты*

<sup>1</sup> Таёе формаос туж шер кутйсько.

(Петров М. Вуж Мултан); *Тямыстон витям ветлїсько* (Самсонов Е. Уй пал симфония); *Дас кыказ потэм Герей куинетї классэ мынїз* (Петров М. Вуж Мултан); *Мынам «куине» вань, мыным стипендия уз луы* (Пукроков Ф. Кизили ныл).

5. Кӧнъез возматїсь лыднимен макеним кутїсьскыны быгатэ одїг лыдын но, трос лыдын но: *Милям гуртысьтымы Сьӧд Ондырѣян шуэм сямен, кык луд кеч сьӧры эн уиськы, озгэ но уд куты* (Архипов Т. Адямилэн чеберез); *Логиновлы кык артысь комнатаосты висѣязы* (Архипов Т. Адямилэн чеберез); *Ми вераськымы, кык воргоронѣс сямен, туж быдѣым уж сярись* (Красильников Г. Тонэн кылисько); *Куинь нунал но куинь уй вамышѣязы* (Самсонов Е. Уй пал симфония).

Огья эскероно ке, вераны луэ, лыднимен кутїсьскыны макеним, мукет финн-угор кыльѣсын сямен ик, ъемгес одїг лыдын сылэ шуыса, озыы ке но, берло дыре «лыдним + трос лыдын макеним» типѣем конструкция паськыт вӧлме.

Лыднимен герѣаськысь макенимѣслэн кутїсьскемазы куд-ог аспӧртэмлыкѣсыз пусйыны луоз. Макенимѣс пӧлын вань нимысьтыз семантической группа – нумеративѣс (мертэт кыльѣс), кудѣсыз, лыднимен герѣаськыкузы, ъемысь одїг лыдын луо. Татчы пыро коньдон лыдзэ (*манет, коньы*), дырез (*ар, арес, час, минут, нунал, уй*), мертэтэз (*грамм, килограмм, метр, километр, тонна, гектар* но мукет) возматїсь макенимѣс: *Нош тани та уин асьмелы эшишо куамын иськем ортчано* (Самсонов Е. Уй пал симфония); *Куать ар талэсь азьло вал со, таче ик шулдыр сїзѣыл нуналэ* (Петров М. Вуж Мултан); *Туэ тулыс дас сизѣым арес тырмиз Дашалы* (Петров М. Вуж Мултан); *Куинь сю манет тырим* (Красильников Г. Тонэн кылисько).

Та макенимѣс ик трос лыд формаез но кутыны быгато, соку та кылтэчетѣс ёросэз возмато: *Тїледлы эшишо куамын*

*аръёс улыны кулэ на* (Петров М. Вуж Мултан); *Көня со* (кран), *куинь тоннаос ёсутэ, дыр* (Архипов Т. Адымилэн чеберез).

Со сяна пумиськыло на сыче учыръёс, куке макенимлэс трос лыдын сылэмзэ быдэс веранлэн радъяськемез но пуштроез кулэ каро, кылсярысь: «*Удмуртавтодор*» *огазая сюрес лэсьтонъя 28 управленности* (Удмурт дунне); *Алигес правительстволы пумит султыса бугыръяськисъёс пöлын ужамен лыдъяса, 2 агаё-выно муртъёсыз* виизы (Гудыри).

*Огазая* глагол-сказуемойлэн значениез нырысетй веранын возматэ, объект одйг өвёл шуыса, нош *агаё-выно* определение кыкетй предложениын кык адымилэсь вань луэмзэс пусъе.

*Адыми но мурт* кылъёс, лыднимен герзаськыкузы, озыи ик одйг но трос лыдын луыны быгато: *Зэм ик, удыс дурын дас мурт ара* (Кедра Митрей. Секыт зйбет); *Шурдо шур дурысь куинь кызъёс дорын куинь муртъёс* куазь пильмаськемез учкыса сыло (Петров М. Вуж Мултан); *Шаплы лыжникъёсты дас мурт бырыи* (Лямин М. Шудбур понна); *Кема сылйз со, шур сёрры выжем куинь адымиос* пала учкыса (Петров М. Вуж Мултан); *Кык адыми интые, азбар шоры тйрен юдэм сйль кылиз* (Кедра Митрей. Секыт зйбет); *Кыдёкысь кизилиос лек учко кык адымиослэсь* такем шулдыръяськемзэс (Самсонов Е. Уй пал симфония); *Шарфюрер шумпотэ: парашютистэз со кутоз, куамын адымилы пумит нюръяськыны солэн кужымеz уз тырмы* (Самсонов Е. Уй пал симфония).

Озыиен, макеним, лыднимен герзаськыкуз, ёемгес луэ одйг лыдын, озыи ке но, берло дыре трос лыдын кутйськемез но паськыт вöлмемын.

### *Ёросэз возматйсь лыднимъёс*

Ёросэз возматйсь лыднимъёс мукетъёсылэсь висъясько арбериослэсь но явлюиослэсь лыдзэс мечак пусйимтэенызы, лыднимен верам лыдлы матын луэмзэс возматэменызы. Та

тодметэнызы ик соос пöртэм луо *трос, уно, öжыт, ичи, данак* кыльёслэсь. Чöшатом: Чöуказе чöукнаяз Алексей Кириллович *вить-куать муртэ* валэн нюлэскы лэзиз: *колхозникъёслы пу ворттоно, не* (Красильников Г. Тонэн кылисько); *Трос тодэ ваёнъёс, кемалась учыръёс ортчизы ныллэн син азьтйз* (Мадьяров Г. Аналтэм сяська).

Нырысетй веранын лыдним (*вить-куать*) возматэ ёросэз; соин пусъем лыд витьлэсь но куатьлэсь трос луыны уг быгаты. Кыкетй веранын *трос* кыл возматэ тодмотэм лыдэз, тодэ ваёнъёс куинь но, ньыль но, дас но солэсь трос но луыны быгато.

Ёросэз возматйсь лыднимъёс пöртэм амалэн пöрмыны быгато. Ёросэз возматон понна:

1. Лыдним *-о(-ё)* итэтэн кутйське: *Ну вот, дасо метрез ми куинь часлэсь кема потыны вырим* (Красильников Г. Тонэн кылисько); *Урядникез дасо киос погыртйзы* (Петров М. Вуж Мултан); *Генка чиньыеныз возматйз: ваньмыз-öвöлэз дасо чур* (Красильников Г. Тонэн кылисько).

2. Кутйське кык лыднимъёслэн сочетанизы, кудъёсыз пöлысь нырысетйез возматэ пичигес лыдэз, кыкетйез – бадзымгес лыдэз: *Тани вить-куать вамыш гинэ кылиз на* (Петров М. Вуж Мултан); *Куке но та адыми солэн син аяз дас вить-дас куать аресъем пияш вал* (Архипов Т. Адымилэн чеберез); *Собере уни трибуна вылэ кык-куинь солдатъёс тубизы но ораторез донгизы* (Лямин М. Шудбур понна).

Ёросэз возматыку, *одйг-кык* сочетаниысь *одйг* лыднимез куд-ог дыръя усе, со интые кулэ луись макеним пуксе (*толэзь-кык, арня-кык*): *Ну, арнязэ-кыкэз ужаса утчалод, отйяз ачид тодод* (Красильников Г. Тонэн кылисько); *Ар-кык мерттылэм бераз, картофка кидыссэ дьякон удмуртъяслы но вузаны чектылйз* (Кедра Митрей. Секыт зйбет).

3. Лыднимен чöш кутйське *ог* кыл: *Зэм но, больницаысь ог куатьтон аресъем кышномурт потйз* (Самсонов Е. Уй пал

симфония); *Гуртэз бадзым өвөл, ог витьтон корка луоз* (Мадыаров Г. Аналтэм сяська).

4. Кутйсько мында, ёрос, эсэп, котыр, пала нимберьёс, соос ёемысь лыдним + макенимен сочетание бере интыясько: *Собере кык арня ёрос ми кытчы пырон инты шедьтытэк возьмаса улём: ку гинэ өтёзы ни?* (Красильников Г. Тонэн кылысько); *Озыы уз луы, Валерий Константинович, асьмеос кык сю час пала сылёмы ке, мукет цехъёслэн ужзы но кезегьяськыны кутскоз* (Самсонов Е. Уй пал симфония); *Кык час ёрос мынйз шыкен но прикладэн ожмаськон* (Лямин М. Шудбур понна).

5. Ёросэз возьматйсь лыднимёс озыы ик пөрмо вылй пусьем амальёслэн пёртэм сямен огазеяськеменызы, комбинированной амалэн:

а) -о(-ё) суффиксо лыднимлэн но пала, ёрос, мында, котыр, эсэп нимберьёслэн сочетаниенызы: *Дасо ар ёрос улэ уни со удмуртьёс пöлын* (Кедра Митрей. Секыт зйбет); *Мон кызё ар пала музъем-анай бордын* (Самсонов Н. Адзöн);

б) -о(-ё) суффиксо кык лыднимёсын: *Копак көсэктэм-жуммем, одйг уйскын, оло, кызё-куамыно ареслы сыркмем Тамара Михайловна эшишо курытгес лулзиз* (Перевощиков Г. Сюлэмтэм дунне); *Арам но октэм бусы вылын дасо-сюо чумолёос люкаськем адымиослы кельшо* (Самсонов Е. Уй пал симфония);

в) *ог* кыллэн но -о(-ё) итэто лыднимлэн сочетаниенызы: *Одйгез машина со вадьсы вуыса, бер колёсаосыныз музъем вылтй ёаж кыстйськыз но азьпалаз ог кызё вамыш кеме дугдйз* (Архипов Т. Адымилэн чеберез); *Ог дасо минут ортчыса, школа палан тыл пери сйлтöльяське ни вал* (Самсонов Е. Уй пал симфония); *Яратйз вал со дышетйсьсэс, нош дышетскыны ог дасо нунал сяна öз кылды* (Петров М. Вуж Мултан);

г) *ог* кыллэн, -о(-ё) итэто лыднимлэн но пала, ёрос, мында, котыр, эсэп нимберьёслэн сочетаниенызы: *Простыня*

вераны луонтэм кыжмемын, соин кин ке алигес гинэ **ог дасо ёрос** дэриесь сурон **сапегъёсты** чушылэм кадь (Петров М. Вуж Мултан); *Больницае малпамтэ шорысь ог дасо мында егитъёс пыризы* (Мадьяров Г. Аналтэм сяська);

д) *ог* кыллэн но *-о(-ё)* суффиксо кык лыднимъёслэн сочетаниенызы, кудъёсыз пöлысь нырысетйез пичигес лыдэз, кыкетйез – бадъымгес лыдэз возматэ: **Ог куамыно-ныльдоно** пол шоналскыса, ки быгытъёссэ но, куссэ но, сюлмызлэсь чөмгес шуккиськемзэ но шöдыны öдъяз Дима (Загребин Е. Тулыс зор); *Дырды вадъсы ог витё-куатё майыг йыгазы, йылзэс керттылйызы* (Самсонов Н. Адзöн);

е) *ог* кылэн, *-о(-ё)* суффиксо кык лыднимъёсын но ёросэз возматйсь нимберен: *Тани алигес газетазы гожтйллям – фронтовояз-а, шай-а, патретсэ но поттйллям, ог кызё – куамыно пала фашистъёсты турнам [Лазыр]* (Валишин Р. Тöл гурезь).

ж) *ог* + кöняз возматйсь лыдним + *пала, ёрос, мында, котыр, эсэп* нимберъёс сочетаниен: *Лапас улын ог куамын мында тусъёс люкаськемын ни* (Красильников Г. Тонэн кылысько); *Ротаосын адямиез ог куамын пала гинэ кылемын ни* (Самсонов Е. Уй пал симфония); **Ог куаттон ёрос десяткойёс асьсэлэсь понятойёссэс нимын-нимын черекъяло** (Петров М. Вуж Мултан);

з) *ог* кыллэн но кык лыднимъёслэн сочетаниенызы, кудъёсыз пöлысь нырысетйез пичигес лыдэз, кыкетйез – бадъымгес лыдэз возматэ: *Пöлазы кык ныльёс, соослы ог дас ныль-дас витъ арес, дыр, уни* (Мадьяров Г. Аналтэм сяська); **Ог ныль-витъ минут** чöже номыре валаны öз луы (Архипов Т. Адямилэн чеберез); *Окопёслэсь ог кык-куинь иськем палэнынгес интыяськемын луыло соослэн возмаськон интыоссы* (Самсонов Н. Адзöн);

и) кык лыднимъёслэн, кудъёсыз пöлысь нырысетйез пичигес лыдэз, кыкетйез – бадъымгес лыдэз возматэ, но *пала, ёрос, мында, котыр, эсэп* нимберъёслэн сочетаниенызы: *Солы*

*дас сизьым-дас тямыс арес ёрос, дыр, уни* (Архипов Т. Адымилэн чеберез); *Собере итымысь кык-куиень чумолё мында кӧс куро нуллӱзы* (Лямин М. Шудбур понна);

6. Та группае ик пыртыны луоз *кык-а, куиень-а, ньыль-а, вить-а* выллем сочетаниосты но – бӧрсысьсылысь лыднимъёс *-а* юан кылпырыен кутӱсько: *Кык-а, куиень-а бадӱymesь суетъёссэ азькышет пияз понӱз* (Петров М. Вуж Мултан); *Кыдӱкын ик, эке: бадӱymesь городъесты гинэ куиеньзэ-а, ньыльзэ-а орточоно луэ, Самараын быдэс нунал сылӱм* (Петров М. Вуж Мултан).

*Одӱг-кык* ёросэз возматыку, куд-ог дырӱа *одӱг* лыдним уг кутӱськы, макеним борды но *кык* лыдним борды *-а* кылпыры ватсаське: *Толзъ-а, кык-а ортчыса, Малмыжсысь исправник ачиз Мултанэ вуиз* (Петров М. Вуж Мултан); *Час-а, кык-а ортчыса, чалмыт луиз* (Архипов Т. Адымилэн чеберез).

Ёросэз возматон валатонэн ик кутӱське *одӱг-ог* кыл: *Зэм, одӱг-ог комнатаосын урбоос вал на* (Архипов Т. Адымилэн чеберез); *Тулыс вуонэз шӧдыса, ныр вылаз одӱг-ог пужыос потӱллям уни* (Петров М. Вуж Мултан). Та сочетание чӧм дырӱа, сямкыл луыса, каронкылэн кутӱське: *Шуизы: одӱг-ог верасько на пор сямен, нош гожъясько ни зӱчен гинэ* (Удмурт дунне); *Нош пересь номыр уг вера, одӱг-ог мон шоры бездэм синъёсыныз учкылэ* (Красильников Г. Тонэн кылысько).

Ёросэз возматон понна куд-ог дырӱа макеним трос лыд формае пуксе: *Тӱледлы эшишо куамын аръёс улыны кулэ на* (Петров М. Вуж Мултан); *Кӧня со (кран), куиень тоннаос жӱстэ, дыр* (Архипов Т. Адымилэн чеберез).

Ёросэз возматӱсь лыднимен кутӱськыкуз, макеним одӱг лыдын но, трос лыдын но луыны быгатэ: *Вуколэсь кӧня ке улланьын Чульясысь ог дасо зӱчъёс бадӱым лулпу улын пуко* (Петров М. Вуж Мултан); *Положениезья аслэсьтыд бадӱymesь азьын кык-куиень кыл вера но солэсь сямзэ тодыса вера* (Архипов Т. Адымилэн чеберез).



## *Мосо лыднимъёс*

Мосо лыднимъёс кӧнялыко лыднимъёс пӧлы пыро но арбериослэсь но явлениослэсь люкетсэс гинэ пусъё. Соос кык лыднимъёслэсь пӧрмо, кудъёсыз пӧлысь нырысетйез числитель луэ, кыкетйез – знаменатель. Знаменатель луись лыдним борды *-мос* итэт ватсаське: *вить дасмос, кык куиньмос*. Падежъёсья знаменателез возматйсь *-мос* итэто лыдним гинэ вошъяське:

Ниман	<i>кык куиньмос</i>
Адӟон	<i>кык куиньмосэз</i>
Возматон	<i>кык куиньмослэн</i>
Люкон	<i>кык куиньмослэсь</i>
Сӧтон	<i>кык куиньмослы</i>
Кельтон	<i>кык куиньмоствэк</i>
Лэсьтон	<i>кык куиньмосэн</i>
Тупан	<i>кык куиньмосъя</i>
Интыян	<i>кык куиньмосын</i>
Пырон	<i>кык куиньмосэ</i>
Потон	<i>кык куиньмосысь</i>
Кошкон	<i>кык куиньмосысен</i>
Ортчон	<i>кык куиньмоствӱ</i>
Лыктон	<i>кык куиньмослань</i>
Вуон	<i>кык куиньмосозь</i>

Мосо лыднимлэн числителез *одйг* ке луэ, чем дыръя со усе но знаменатель луись кыл гинэ кутйське: *Туэ чабейзы туж удалтэмын, но куазь зорыса улэмен, та дырлы со куиньмосэз гинэ утялтэмын ай.*

Мосо лыднимъёс, кудъёсаз вань быдэс люкетэз, пӧрмо таӵе амалэн: нырысь пуктйське быдэс люкетэз возматйсь лыдним, собере *быдэс* кыл, но союз, бӧрсязы числителез но

знаменателез возъматїсь лыдним: *кык быдэс но куинь дасмос, вить быдэс но кык витьмос. Быдэс кыл усыныны но быгатэ: Миым соос кутсаллям кык но сизьым дасмос центнер зег, одїг но сизьым дасмос центнер валэс юос* (Пукроков Ф. Кизили ныл).

Вить дасмосэз возъматон понна кутїське *їсыны* кыл. *Ѓыны* кыл, макенимен герзаськыкуз, сылыны быгатэ:

а) макеним азын, кыкмосэз возъматыкуз: *Азьмынїсь бригадаос али ик уни планїессэс їсыны арлы но быдэс арлы азьпалтыса мыно* (Архипов Т. Адымилэн чеберез); *Ѓыны метр зокталаем йо ваменак чигиз* (Архипов Т. Адымилэн чеберез);

б) макеним бере, *одїг быдэс но їсыныез* возъматыкуз; висказы но союз пуксе: *Ѓем дырїя со (урок) час но їсыны мынэ* (Удмурт дунне); *Карцэрлэн кузьдалаез но пасьталаез метр но їсыны* (Самсонов Е. Уї пал симфония). Та валатонэз ик возъматон понна мукет амал кутїське на: одїг лыдын лэсьтон падежын сьлїсь макеним борды огшоры формаем яке лэсьтон падежын сьлїсь *їсыны* кыл ватсаське (*ведраен їсыны* яке *ведраен їсыныен*, *километрэн їсыны* яке *километрэн їсыныен*): *Толэзен їсыны ортчыса, Маня лыз сатин дэрэм, сьод сукнолэсь виль костюм но тямыс сэрего фуражка вуриз* (Самсонов Е. Уї пал симфония); *Тыриз-тыриз, манетэн їсыныен уг окмы на* (Кедра Митрей. Секыт зїбет); *Нош Надя арен їсыныен гожъяз солы, посылкаос ялан лэзьяз* (Ар-Серги В. Тулкымїс вылын – пыжед).

### ***Собирательной лыднимїс но прономинализация***

Удмурт кылын туж паськыт вїлмемын лыдним бордысь -на- аффиксэн пїрмем кылформаос: *Арамаетї гинэ овїл, нюлэстї но утчазы, кыкна тыосты сїсьяса потїзы* (Пукроков Ф. Кизили ныл); *Клава нош ик горд палэзь кадь луиз, кыкна кыныыз мїля бордаз кутїськыса, берлань чигназ,*

*велосипедээ сюрес ыылэ пограз* (Перевошиков Г. Йыбыртты музъемлы); *Вашкала чушкон ылын кечат-вадат гожъёс, кыкна пумаз но чукъёс* (Валишин Р. Инвожо уйшоре но пиштэ). Лыднимлэсь таёе формаоссэ собирательной лыднимъёс пöлы пыртйськом.

Пумиськылэ на мукетгес конструкция но: *Кибитка пушкы аркерей куиньнаиныз ик ляльчиосыныз огинэ тэро* (Кедра Митрей. Секыт зйбет); *Кыкназэ пидэ дышеты*. Таяз учыре лыдним макенимен падежъя тупа (*куиньнаиныз ляльчиосыныз, кыкназэ пидэ*), нош лыдъя соос уг тупало.

Таосызлэн эскероно формаослэн ниман падежзы *куиньнаиз ляльчиосыз, кыкнаиз пид* луо.

Малпаны луэ, *-из* (*кыкнаиз, куиньнаиз, ньыльнаиз*) висьясь итэт луэ шуыса.

Та формаослэсь падежъёсья вошъяськон парадигмазэс эскероно ке, пусйыны кулэ, висьясь *-из* итэтэн форма интыян падежъёсья но вошъяське, лултэм макенимез но валэктыны быгатэ шуыса: *Ньыльнаяз коркан улйесез вань; Кыкнаяз школаосы* *зечкыланъёс вуизы*. Та парадигма туж матын луэ висьясь суффиксэн тодметнимлэн вошъяськемезлы:

Ниман	<i>кыкнаиз школаос</i>
Адзон	<i>кыкназэ школаосты</i>
Возьматон	<i>кыкнаизлэн школаослэн</i>
Люкон	<i>кыкнаизлэсь школаослэсь</i>
Сётон	<i>кыкнаизлы школаослы</i>
Кельтон	<i>кыкнаизтэк школаостэк</i>
Лэсьтон	<i>кыкнаиныз школаосын</i>
Тупан	<i>кыкнаизъя школаосъя</i>
Интыян	<i>кыкнаяз школаосын</i>
Пырон	<i>кыкнаяз школаосы</i>
Потон	<i>кыкнаысьтыз школаосысь</i>
Кошкон	<i>кыкнаысеныз школаысен</i>
Ортчон	<i>кыкнаитйз школаостй</i>
Лыктон	<i>кыкнаозяз школаосозь</i>
Вуон	<i>кыкнаизлань школаослань</i>

Удмурт кылын вань на сыче кылъёс, кудъёсыз кылдо лыдним бордысь, *-на-* аффикс но асьян *-мы*, *-ды*, *-зы* итэтъёс ватсаса. Лыднимлэн семантикаез та кылъёсын возиське, но со дыре ик соос муртэз возьмат, прономинализоваться карисько, лыднимысь нимвоштосэ выжо: *Кыкназы ик пегзиллям но татчы асьме палъёсы лыктйллям* (Петров М. Вуж Мултан); *Собере, спичка жуатъяса, маке утчаз но, Яшкаен кыкназы ик кытчы ке кошкызы* (Петров М. Вуж Мултан); *Нбыльназы ик со уе чырым но өз каре, куашкам юрлэн укноетйз учкызы пеймытэ* (Самсонов Е. Уй пал симфония).

*Одйг* лыдним бордысь, кудйз чемгес вакчиятэм *ог-*формаен кутйське, та группа пөрме одйг но трос лыдын асьян итэтъёсын (*огнам, огнад, огназ, огнамы, огнады, огназы*). Соос возьмат одйг адымиез яке адымиосты, кудъёсыз кызы ке но куспазы герзаськемын луо: *Эх, огнам ке луысал, мон али эктыса лэзьысал, дыр* (Красильников Г. Тонэн кылисько); *Романов огназ кылиз ке но, мылкыдыз капчи* (Архипов Т. Адымилэн чеберез); *Пиналъёсме огназэс эн кельты, Сергей* (Самсонов Е. Уй пал симфония).

Лыднимлэн семантикаез туж шодскымон шуыса, научной грамматикаын та кылъёс собирательно-личной лыднимъёсын нимадын [ГСУЯ 1962 1962: 160]. Нош В. И. Алатырев, коми кылын сямен ик, та кылъёсты лыдьяномурто нимвоштосъёс шуэ [Алатырев 1983: 575]. Та малпанэн соглаш луоно, малы ке шуоно:

а) асмурто нимвоштосъёс сямен ик, та формаен кылъёс муртэз возьмат: *Тйни озьы, тэзка, асьмелы кыкнамылы ик өз удалты* (Красильников Г. Тонэн кылисько); *Витъназы ик вальёссы вылэ пуксё* (Кедра Митрей. Секыт зйбет). Нырысетй веранын нырысетй лицо, трос лыд (ми), нош кыкетй веранын – куинетй лицо, трос лыд (соос) пусъемын;

б) падежъёсы соос вошъясько асьян итэтэн макенимъёс сямен ик, но, луло макенимъёс но асмурто нимвоштосъёс кадъ

ик, укмыс падежъя гинэ. Интыез возьматись падеж формаосты (лыктон падежез сяна) уг кутто:

Ниман	<i>огнам</i>	<i>куиньнамы</i>
Адзон	<i>огнаме</i>	<i>куиньнамес(ты)</i>
Возматон	<i>огнамлэн</i>	<i>куиньнамылэн</i>
Люкон	<i>огнамлэсь</i>	<i>куиньнамылэсь</i>
Сётон	<i>огнамлы</i>	<i>куиньнамылы</i>
Кельтон	<i>огнамтэк</i>	<i>куиньнамытэк</i>
Лэсьтон	<i>огнамен</i>	<i>куиньнаинымы</i>
Тупан	<i>огнамъя</i>	<i>куиньнамыя</i>
Лыктон	<i>огнамлань</i>	<i>куиньнамылань</i>

Асмурто нимвоштосъёс но луло макеез возьматись макенимъёс та кыльёсын ёош трос лыдын кутйсько (*огнам, огнад, огназ* кыльёсты лыдэ басьтытэк). Соос ог-огенызы падежъя тупало, нош нимвоштосъёсын – падежъя но лицоя: *Секыт тыныд огнадлы, шодйсько мон* (Петров М. Вуж Мултан); *Герейлэн валэз доры мыныса, соос куиньназы ик лабрес беризь улэ пуксизы* (Петров М. Вуж Мултан).

Муртэз возьматись асьян итэтэн луыкузы, соос асмурто нимвоштосъёстэк но макенимъёстэк кутйськыны быгато: ***Кыкназы*** ик семьяязы воргорон интые кылемын, ***кыкназы*** ик дышетсконзэс вазь куштоно луиллям (Красильников Г. Тонэн кылисько); *А-а, тйни эшъёсыз вискын пуке, одйгеныз мар ке вераське, собере кыкназы ик мон шоры учкизы но серекъязы* (Красильников Г. Тонэн кылисько); *Маке кыкназы ик вуысь потэм кадъ сыло* (Петров М. Вуж Мултан).

Эскероно кыльёсын герзаськыкуз, макеним лэсьтон падежын но луыны быгатэ: ***Часовое кыкназы*** ик соос тусь лэсьтыны кутскизы (Красильников Г. Тонэн кылисько); *Олексан агай ми доры лыктйз но Генкаен кыкнамылэсь киосмес кутылйз* (Красильников Г. Тонэн кылисько); *Собере, спичка жэуатъяса, маке утчаз но, Яшкаен кыкназы ик кытчы ке кошкизы* (Петров М. Вуж Мултан).

Со дыре ик *кыкнамы, кыкнады, кыкназы* формаос кадь ик кутйсько на *кыкмы, кыкты, кыксы* кылформаос: *Тылошуре бертыса сюан ортчытыны чаклам нуналамы **кыкмы** ик фронтэ кошким* (Самсонов С. Дыдыкъёс бус пöлы уг йыромо); *Кык эшгёс бере, **кыктылэн** но казак дыр сьöлыкъёсты огвиллемесь вал, дыр* (Чернов П. Тулысысен сйзыбылозь); ***Кыксылэн** но уго лушкем малпангёссы вал* (Самсонов С. Дыдыкъёс бус пöлы уг йыромо); ***Кыксы** ик улэпесь, нош улонзэс лэсьтыны уг быгато* (Мадьяров Г. Аналтэм сясыка).

Та вылй пусьем кылгёсын ёош ик, но кылпырыос кутйсько.

Озыен, ог-огзылэсь висьяны кулэ *-на-* аффиксэн но асьян итэтэн пöрмем лыдьяно-мурто нимвоштосгёсты но *-на* итэтэн пöрмем собирательной лыднимгёсты, кудгёсыз висьясь итэт кутыны быгато.

Лыдним бордысь *-на-* аффиксэн но асьян итэтэн пöрмем форма нимвоштос луэ шуыса, тазы валэктыны луэ:

а) асмурто нимвоштосгёс сямен ик, со муртэз возматэ;

б) веранын асмурто нимвоштосэн ёош кутйське, соин лица но падежъя тупа, яке луло макенимен ёош. Ёем пумиське огназ кутйськемез.

Собирательной лыдним луэ сыгё форма, кудйз лыдним бордысь пöрме *-на* итэтэн но висьясь *-из* итэт кутыны быгатэ. Тагё форма:

а) муртэз уг возматы (*кыкнамы* выллем формаосын ёошатоно ке);

б) падежгёсъя висьясь итэтэн тодметним кадь вошгьяське;

в) макенимен падежъя тупа;

г) луло но лултэм макенимез валэктыны быгатэ;

д) ас понназ, валэктоно кылтэк уг кутйськы.

Собирательной валатонэн ик кутйськыны быгато кузя, чошен нимберьёсын лыднимьёс: *Кык кузя нылъёс городысь лыктэмьёслы но, гуртоослы но пелязы шыпыртыса, номеръёс вераса ортчизы* (Чернов П. Тулысысен сйзьылозь); *Возьмамтэ шорысь куинь кузя кавалеристъёсын пумиськиз Лели* (Лямин М. Шудбур понна); *Тани тямыс кузя понятойёс Петров Никофр доры лыкто* (Петров М. Вуж Мултан).

Собирательной валатонзы кылдэ озьы ик висьясь итэтэн но ик, но частицаосын кӧняез возьматйсь лыднимьёслэн: *Дӧдьыос куинез ик син кустын тырттэм кылизы* (Петров М. Вуж Мултан); *Кыкез но киосыз жазег тьяпалы укишало, пыдъёсыз но ваче бурмемын* (Мадьяров Г. Аналтэм сяська).

Чошатом кык веранъёсты: *Кылем арняе кионъёс Лӧльшуурись кыксэ пуныосты вандйллям, пе* (Самсонов Е. Уй пал симфония); *Тани ныльпыдьяськыса, гурлэн самой пыдлоназ вуиз, кийыгыриеныз гонез шедьтыса, кыксэ но кирпичэ отчы интыяз* (Самсонов Е. Уй пал симфония). *Кыксэ* лыдним, но частицаен кутйськыкуз, собирательной валатонэн луэ. Пусйыны кулэ, висьясь итэтэн но ик, но частицаен кутйськысь кӧняез возьматйсь лыдним падежьёсья вошьяське шуыса.

### Радлыко лыднимьёс

Радлыко лыднимьёс возматэ огкадь арбериослэсь лыдья интыяськемзэс, радьяськемзэс. Удмурт кылын радэз возьматйсь лыднимьёс кӧняез возьматйсь лыднимьёс бордысь -*эти* (-*етй*) итэтэн пӧрмо: *сю – сюэти, дас – дасэти, куамын – куамынэти: Война соку куинетй арэз мынэ вал ини* (Чернов П. Тулысысен сйзьылозь); *Нюлэскы йыромем нылпиосты кыкетй нуналаз гинэ шедьтйзы* (Самсонов Е. Уй пал симфония).

«1-тй» пуштросэн лыдним интые удмурт кылын кутйсько зуч кылысь асэстэм *первой* но супплетивной амалэн

пөрмем *нырысь, нырысетї* формаос: *Кыкетї этажысь тї доры, **первой** этаже* (Архипов Т. Адымилэн чеберез); ***Нырысетї** радъёсын нылкышноос пуко, соос сьёрын – воргоронъёс* (Мадьяров Г. Аналтэм сяська); ***Нырысь** толаз арнялэсь кема ветлїз зичы сьёры* (Петров М. Вуж Мултан). Таёе форма кутїське даслэсь трос лыдэз возматїсь «... *одїгетї*» лыднимъёсты пөрмытон понна: *дас одїгетї, сю кызь одїгетї* но мукет: *Мон но институт бере ик директор луыны уг малпаськы вал но, дас одїгетї* арзэ уни директорын (Чернов П. Тулысысен сїзбылозь).

*Нырысь* форма, каронкылэз валэктыкуз, сямкыл но луыны быгатэ: *Тон **нырысь** астэ татын адымиен **возматы**, собере ни дышетскыны мын* (Красильников Г. Тонэн кылысько); ***Нырысь** мон со доры **ветло** ай, верасько соин* (Петров М. Вуж Мултан).

*Кыкетїез* лыдним интые кутїськыны быгатэ *мукетыз* форма: *Олокытысь-марысь жсутїськыз тюрагай, шыпак кöлїсь бусы вылэ гырлы куаразэ пазьгиз. Со сьёры **мукетыз**, куинетїез* (Красильников Г. Тонэн кылысько); *Со интые султэ **мукетыз**, куиньметїез, ньылетїез* (Архипов Т. Адымилэн чеберез).

Радлыко лыднимъёс висьясь -ез итэтэн луыны быгато. Таёе дыре соос валэктоно кылзыя тупатско: ***Кыкетїеныз гозыен гырлыез думо*** (Кедра Митрей. Секыт зїбет); *Тани **нырысьсэ группаез** гу доры нуизы* (Архипов Т. Адымилэн чеберез).

Висьясь итэтэн радлыко лыднимъёс валэктоно кылзы интые кутїськыны быгато, соку соос бадзымъёз, ватсанъёз яке югдуръёз луо: *Бен, **куинетїез** чөм дырря мултэс луэ. Тани со, **куинетїез**, тае уггес вала – куинь пöлысь кыкезлы укыр секыт йöтэ, шöдонтэм улсын ке но солы, **куинетїезлы**, валэктыны тыршо* (Валишин Р. Тöл гурезь); ***Нырысь**з ик мыным шуизы: – Дас классэз быдтїд?* (Красильников Г. Тонэн кылысько).



Висьясь итэтэн порядковой лыдним бордысь адзён падежын, -зэ (-сэ) формаен, пөрме сямкыл, кудйз возматэ действилэсь кӧняетй пол ортчемзэ: *Игнат кыкетйзэ черетскем бере гинэ, со куара пала берытскиз но ямщиксэ дугдыны косйз* (Петров М. Вуж Мултан); *Уг тодйськы, нырысьсэ адзйсько* (Красильников Г. Тонэн кылысько).

Радлыко лыднимьёс трос лыд формаез но кутыны быгато. Соку соос пусьё арбериослэсь, адымиослэсь, явлениослэсь огазын луэмзэс, кыче ке но одйг группаын луэмзэс: *Пинал парсьёсты куинь уллёлы люким но огъёссэ огдышем сямен сюдймы, мукетъёсызлы сиён пӧлазы нуналаз быдэн кык сю грамм торф сётъям, куинетйосызлы – быдэн куинь сю грамм* (Удмурт дунне); *Цех пыр кыстйське конвейер. Солэн кутсконаз машинае одйгъёсыз ужасьёс одйг детальёс но гердьёс пукто, цехлэн шораз – мукетъёссэ, цехлэн пумаз – куинетйоссэ* (Пукроков Ф. Кизили ныл); *Ас ужме быдтыса, мон куинетйослы валэктэмзэ кылзыны кутскисько* (Пукроков Ф. Кизили ныл).

Чемысь радлыко лыдним интыян падежын кутйськыны быгатэ, кылсярысь, арез, дышетскон классэз возматон понна. Таچه учыре валэктоно кыл усе: *Ныльдон кыкетйын март толэзе мешоказ сухари но куинь кило ёрос нӧкы вӧен Виктор Сазонов вӧрдйськем Лӧльшурысьтымиз кузь сюрес вылэ потйз* (Самсонов Е. Уй пал симфония); *Пие туэ витетйын дышетске ини.*

### Тодмотэм лыдэз возматйсь кыльёс

Тодосчиос удмурт кылын кӧняез возматйсь лыднимьёс пӧлысь висьяло на тодмотэм лыдэз возматйсь кыльёсты. Таچه лыднимьёс пӧлы пырто *уно, трос, данак, лачак, тачак, ичи, ӧжыт* но мукет кыльёсты [Жуйков 1937: 18; Ушаков 1982: 75]. Удмурт кыля научной грамматикаын соос

тодмотэм лыдээ возматйсь кылъёс шуыса пусъеын [ГСУЯ 1962: 151]. Та кылъёс кызы ке макенимъёсын, озыи к каронкылъёсын кутйськыны быгато: *Трос кырзанъёсты кырзасы соос, артэ пуксьыса, киоссэс ог-огзылэн пельпумъёссы вылэ поныса* (Архипов Т. Адымилэн чеберез); *Трос вераськыны со уг яраты* (Архипов Т. Адымилэн чеберез); *Обвинение отем свидетельёс но куд-огез уно юрттйзы тйледлы* (Петров М. Вуж Мултан). Озыен, та кылъёс, лыдним сяна, мукет вераськон люкет но луыны быгато.

Луо-а та эскороно кылъёс лыднимъёс? Таёе малпанлы пумит пöртэм валэктонъёс пуксё:

1. Лыднимлэн определениез доры берытсконо ке, лыдним арбериослэсь но явлениослэсь лыдзэс возматйны кулэ. Нош та кылъёс тодмо лыдээ но, ёрос лыдээ но возматйны уг быгато. Чошатом: *Куинь толзэь чöже Крымын улэмез но эмъяськемез солэсь егит мугорзэ юнматйз, жöж туссэ быдтйз, секытэсь малпанъёссэ улляз* (Архипов Т. Адымилэн чеберез); *Трос толзэьёс чöже уни соослэн бригаазы основной сооружениын ужась бригадаос пöлын нырысь инты басьтэ* (Архипов Т. Адымилэн чеберез).

Нырысетй учыре асьмеос тодйськом толзэьёслэсь лыдзэс (куинь), нош кыкетй предложениын та сярысь валатскыны уг луы – яке соос кык-куинь, яке кызы, куамын но о. а.

2. Та кылъёс, конкретной арбериосты возматйсь кылъёсын сяна, кутйськыны быгато на абстрактной валатонъёсын, лыдъяны луонтэм макенимъёсын но (*трос ву, уно куректонъёс, öжыт сюлэмшугъяськон*), мае вераны уг луы лыднимъёс сярысь: *Трос-а дыр ортчиз, тани мон городын уни, нош, шумпотэм интые, йыркурэн ветлйсько* (Красильников Г. Тонэн кылысько); *Трос секытъёсты адзизы* (Архипов Т. Адымилэн чеберез).

3. Уно, трос, данак, ичи, öжыт кылъёс кужмоятйсь туж кылын но кутйськыны быгато, лыднимъёс пöлын та уг

пумиськы: *Тйни соин но, дыр, собрание туж трос* калык люкаськиз (Архипов Т. Адымилэн чеберез); *Туж уно егитъёс* мылкыд каризы соин шудыны дышетскыны, соос пöлын ик вал *Витя Сазонов но* (Самсонов Е. Уй пал симфония).

4. Та кылъёслэн ёшатон степеньзы луыны быгатэ, соос - *гес (-гем)* итэт кутто: *Солэн, малпаськод, мукет учёнойёслэн сярись, дырыз тросгес* вал, *зеч лабораториез, коньдонэз бусьтыр* вал (Архипов Т. Адымилэн чеберез); *Строен вamyшьяло допризывникъёс. Соосты быдэс арнялы люказы. Сизьымдонлэсь тросгес* луозы (Самсонов Е. Уй пал симфония); *Вае асьмеос, политикаез огдырлы палэнэ кельтыса, тросгес фактъёс* люканы тыришоме (Петров М. Вуж Мултан).

Лыднимлэн ёшатон степенез öвöл.

Озыен, *уно, трос, данак, ичи, öжыт* кылъёс семантиказы ласянь но, кутйськемзы ласянь но лыднимъёслэсь пöртэм луо, соосты тодметнимъёс пöлы пыртыны луысал. Та тодметнимъёсты предложениын лыднимен воштыны луоно. Со дыре ик тодметнимез сямкылъёсын сурано öвöл, чаклано, кыче вераськон люкетэз валэктэ та кыл – макенимез-а (соку со тодметним луыса кутйське), каронкылэз но солэсь пöрмем формаосты-а (таяз учыре та кылъёс сямкыл луо).

### Лыдним бордысь пöрмем сямкылъёс

Удмурт кыллэн научной грамматикаяз [ГСУЯ 1962: 159] кык формаем собирательно-разделительной лыднимъёс висъямын:

а) лэсьтон падежын сылйсь лыднимлэсь кык пол кутйськыса пöрмем форма: *кыкен-кыкен, сизьымен-сизьымен*;

б) лэсьтон падежын сылйсь артысь лыднимъёслэсь кузэн кутйськыса кылдэм форма: *оген-кыкен, кыкен-куинен, витен-куатен*.

Та формаос уг вошъясько, веранын, сямкылъёс сямен, каронкылэз валэкто но обстоятельство луо: *Тани **оген-кыкен** мукет кышномуртъёс но вуизы, обинь адыми куараен шулдырак луиз* (Самсонов Е. Уй пал симфония); *Корка пырем бере, прокурор жёк дорысь пукон вылэ пуксиз, кыысьтыз съёд перчаткаоссэ **оген-оген** кыскаса, жёк вылэ понйз но Быков шоры лек учкыса вераз...* (Петров М. Вуж Мултан).

Тазы ик, карон кылэз валэктыса, кутйське на -о (-ё) суффиксо лыдним бордысь лэсьтон падежын пөрмем форма: *Кышномурт паймыса учкиз мон шоры: та дырозь адъемез вылымтэ на, лэся, огпол кутскемаз **дасоен** пирожкиос басътйсь муртэ* (Красильников Г. Тонэн кылысько).

Мукетыз лыдним бордысь пөрмем но вошъяськисьтэм форма – кельтон падежын сылйсь *одйг* лыдним: *Куара пусъёслэсь туссэс со **одйгтэм** тодма ини* (Кедра Митрей. Секыт зйбет); *Табере со гуртъёсын улйсь калыклэсь лыдзэс **одйгтэм** тодэ ини, книгаосаз нимын-тулын пусйылэмын* (Кедра Митрей. Секыт зйбет); *Бырозы ук соос, Григорий, **одйгтэм** бырозы* (Петров М. Вуж Мултан); *Гуртъёслэсь одйг сзрегпум но уз кыль, гуртын калык вань-а, өвёл-а – уз чаклалэ, пушкаосын ыбылозы, пудо-животэз **одйгтэм** нуозы* (Лямин М. Шудбур понна).

Та вылй верам формаосты сямкылъёс пёлы пыртыны луоз, малы ке шуоно соос:

а) сямкылъёс сямен ик, вошъяськисьтэм формаос луо;

б) макенимез валэктыны уг быгато, кутйсько каронкылэн но солэн формаосыныз, веранын югдуръёз луо.

Лыдним бордысь сямкылъёс пөрмо на -ой, -ойскын итэтьёсын но кутйсько 'сомында нунал чоже, сомында нуналскын' валатонэн: *Куиньмой вёсяськыса улытозязы, сомында калыклы трос сиён-юон кулэ* (Кедра Митрей. Секыт зйбет); *Кыктойскын-куиньмойскын бусыос көня ке көсатскизы на* (Чернов П. Тулысысен сйзбылозь).

-ой итэтэн пөрмем сямкыл *чоже* нимберен кутйськыны быгатэ: *Шайгу вылысь кадь пу кирос кыктой чоже солэн жезы аяз сылз* (Петров М. Вуж Мултан); *Агай куиньмой чоже дорын улз на, паспорт бастиз* (Красильников Г. Тонэн кылысько).

Сямкыл луо *огнын*, *огенак* формаос: *Дорам огнын, татын огнын* (Мадьяров Г. Аналтэм сяська); *Ма кызы-о шум уд поты: Антонина Петровналэн огенак будэм нылыз сыче орзилы бызе бере* (Самсонов Е. Уй пал симфония); *Огенак лобись муш кузеезлэн пурьсытам тушаз дэмзе ке, пересь мушкась сое кияз бастэ но адямиен кадь вераське* (Самсонов Е. Уй пал симфония).

Берпуметйез форма озы ик тодметним луыса но кутйське, макенимез валэктэ ке: *Улйын, кыдёкын, мышке кылё кизем бусыос, арамаос но шуръёс, гуртёс но тэль шорын сылз огенак юртёс, машинаос но адямиос* (Самсонов Е. Уй пал симфония).

Мукетыз лыдним бордысь пөрмем но тодметъёсызья сямкыл луись форма – адзон падежын сылзья порядковой лыдним, кудйз кутйське 'сомында ползэ' валатонэн: *Куинетизэ вазисько ини – кылэм уд кариське* (Чернов П. Тулысысен сйзылозь); *Радин Катяз куиньметизэ чупаз* (Коновалов М. Вурысо бам).

Озыен:

а) удмурт кылын разделительной лыднимъёс өвёл;

б) лыдним бордысь пөртэм амальёсын пөрмыны быгато сямкылъёс (*кыкетсэ, ньылёй, огенак, витен-куатен, одйгтэм...*).

## Ужъёс

1. *Дас кык кылбур, сизьымдон куать, кызь витез куноос* кылтэчетъёсты падежъёсыя вошъялэ но вералэ, лыднимлэн кыће аспёртэмлыкъёсыз шараясько котькудаз учыре.

2. Пөрмемзыя кыће вакытысь луо удмурт *одйг, кык, куинь, ньыль, вить, куать, сизьым, тямьс, укмыс, дас, сю, сюрс* лыднимъёс? Кыће воштйськонъёс соос азинсконазы ортчиллям, мукет финн-угор кылъёсысь лыднимъёсын ёшатыса?

3. *Кык, вить, дас, тямьс, куамын* лыднимъёс бордысь, пёртэм кылпөрмытон амальёсты уже кутыса, мукет вераськон люкетъёс пөрмытэ.

4. *Куамын куатез, витьтон витьназы, кыкен-кыкен, куатьтонлы, дас витям, витьтонэтийяз, кык дасмос, ньыльнаяз, дас куиньмой, кыкто, дасояз* кылъёсыз эскере но вералэ, кудъёсыз соос пöлысь луо лыднимлэн формаосыз, кудъёсыз мукет вераськон люкетъёс.

5. Лыднимъёс пöлын грамматической омонимъёс пумиськыло. Шедьтэ сыће формаосты но соосын предложениос малпалэ.

6. Сётэм текстъёсыз эскере но вералэ, кыће лыднимъёсты шонер гожъян правилоос кутйсько туалга газетъёсын, вань-а соослэн огъя системазы?

*А. Кунгож съорысь вуэмъёс Балезино черкогуртэз ярато, шöдске. Туннэ нуналлы тямьс муртлэн куинь арозь, нош 28-эзлэн куинь толзэзъ улыны луонлыкез вань. Балезиное соос вуэмын Азербайджанысь, Украинаысь, Казахстанысь, Грузиысь но мукет интыосысь. Жаляса верано, куд-огез ассэ куноын шуыса вунэтэ – паспортяз уг ик учкылы. Туэ вить толзэзъ куспын Балезино ёрос судлэн решениезъя одйг мурт уллямын, 33-ез кыл кутытон улэ кыскемын (Удмурт дунне).*

Б. Промышленной предприятия газ понна дун тыронъя 7 группалы люкемын. Кылсярысь, **1-тӱ** группае пырысьёс сюрс кубометр газ сутэмзы понна **2 сюрс 486 манет 37 коньы** тыро, нош **7-тӱ** группаысь предприятияос – **2 сюрс 661 манет 89 коньы**. Калыкылы туэ **нырысетӱ** январьысен газ дун будэтэмын **5,1 процентлы**, со луиз **2 манет но 46 коньы**, нош **1 апрельысен эшио 14,6 процентлы йылтэмын – 2 манет но 82 коньы** луиз (Удмурт дунне).

В. Туэ со 7 предметъя олимпиадаосы пырыськыз. Нош тужгес но бадӱым вормонэн лыдъя республикаын ортчем кунсьӧр кылӱсья чӧшатсконэ пырыськемзэ. Ужрад ортчиз Ижысь **22 номеро** лицейын. Чӧшатсконэ лыктэм **33** нылли пӧлын немец кылъя Лена **9-тӱ** инты басӱтӱз. Алигес ортчем удмурт кылъя но литературая олимпиадаын **10-тӱ** классын дышеткисьёс пӧлын со **нырысетӱ** интые потӱз (Удмурт дунне).

7. Сӱтэм предложениосысь висъям лыднимӱёс кыӱе разрядэ пыро, предложенилэн кыӱе ёзэз луо?

1. Уть-ай, кемалась **ныльдондэ** выжид ини, нош аслад йӧнала семьяед но ӧвӧл – нылыд гинэ, чоркак **одӱг** нылыд гинэ.  
2. Роман Петрович соку **кыкеныз** ик председателӱсын пумиськыз: Першинэн но – колхоз председателенызы, Малыхен но.  
3. Жӧк урдсын, книга шкафысь **одӱгаз** жсажыын, – **дасоосын** сыӱе ик тетрадьёс, блокнотӱёс: кудӱёсыз кысыын нуллымонэсь гинэ, кудӱёсыз зӧк книга быдӱаеь (Перевощиков Г. Гужем лымы).  
4. Туэ тани **ныльдонэтӱ** ар мынэ.  
5. Со (Митрей) ачиз ик мыным шуэ: юртты вал, пе, **ог кык-куинь** нунал чӧже, вукоез тодӱськод.  
6. Марым, **кыктэтӱ** уробоелэн киндыкез олокытчы луиз.  
7. **Кыкез** но **одӱг** кыын вакчи гинэ гожтэмын вал.  
8. Со тылӱёс чӱм дырӱя **кык** луо, адымилэн **кык** синӱёсызлы пӧрмо.  
9. **Кыкезлэсь** пумӱёссэ вӧлыса, йылсаса музӱеме мертчыто (Валишин Р. Тӧл гурезь).

## Лыднимез эскерон

1. Вераськон люкет
2. Инъет кабез (ниман падеж)
3. Разрядэз
4. Висьясь итэтэн яке висьясь итэттэк
5. Огшоры яке асьям склонение
6. Вошьетэз
7. Веранын кыхе ёз луэмез.

*Дастэ кыклы люк.*

*Дастэ* – лыдним, инъет кабез *дасэд*, кӧняез возьматйсь, висьясь итэттэк, асьям склонение, адӟон падеж, ватсанъёз.

*Кыклы* – лыдним, инъет кабез *кык*, кӧняез возьматйсь, висьясь итэттэк, огшоры склонение, сётон падеж, ватсанъёз.

*Вить дауръёс ёоже гинэ, укмысэтийсен дас ньылетйозяз, асьме куньсь музей ужасьёс но пудо вордйсьёс эркын ветлйзы* (Е. Афонин. Йырмурт).

*Укмысэтийсен* – лыдним, инъет кабез *укмысэтий*, радлыко, висьясь итэттэк, огшоры склонение, кошкон падеж, югдуръёз.

*Дас ньылетйозяз* – лыдним, инъет кабез *дас ньылетйез*, радлыко, висьясь итэтэн, огшоры склонение, вуон падеж, югдуръёз.



## Эскеронлы юаньёс

1. Удмурт кылын лыднимъёслэн кыче разрядъёссы висьясько?

2. Удмурт кылысь лыднимлэсь кыче категориоссэ пусйыны луоз?

3. Кыче аспөртэмлыксы шөдйське макенимъёслэн, лыднимен герзаськыкузы?

4. Маин пөртэм луо *-на-* итэтэн пөрмем собирательной лыднимъёс но лыдяно-мурто нимвоштосьёс?

5. Маин огкадь но пөртэм луо лыдним но макеним, лыдним но тодметним?

6. Кыче амалэн пөрмо ёросэз возматйсь лыднимъёс?

7. Кыче вераськон люкетъёс пөрмыны быгато лыдним бордысь?

8. Кыче аспөртэмлыкъёссы тодмотэм лыдэз возматйсь кыльёслэн, удмурт кылысь вераськон люкетъёслэн сөзнэтазы кыче инты басьто соос?

9. Кыче синтаксис аспөртэмлыкъёсыз лыднимлэн?

## Уже кутэм чеберлыко литература

*Ар-Серги, В.* Тулкымъёс вылын – пыжед: Повесть, веросьёс, кылбуръёс. – Ижевск: Удмуртия, 1993. – 224 б.

*Архинов, Т. А.* Адымилэн чеберез: Роман. – Ижевск: Удм. кн. изд-во, 1963. – 288 б.

*Валишин, Р. Г.* Инвожо уйшоре но пиштэ: Повесть. – Ижевск: Удмуртия, 1974. – 154 б.

*Валишин, Р. Г.* Тöл гурезь: Повестьёс. – Ижевск: Удмуртия, 1978. – 276 б.

*Кедра Митрей.* Секыт зйбет: Роман // Секыт зйбет: Роман, повестьёс, веросьёс, кылбуръёс, поэма, тодэ ваён. – Ижевск: Удмуртия, 1988. – С. 15–137.

*Коновалов, М.* Вурысо бам: Роман // Гаян: Романъёс но веросьёс. – Ижевск: Удмуртия, 1990. – С. 231–374.

*Красильников, Г. Д.* Тонэн кылысько: Повесть // Тонэн кылысько: Роман, повесть но веросьёс. – Ижевск: Удмуртия, 1991. – С. 192–346.

*Лямин, М. А.* Шудбур понна: Повесть. Ижевск: Удмуртия, 1976. – 463 б.

*Мадьяров, Г.* Аналтэм сяьска: Повесть. – Ижевск: Удмуртия, 1994. – 186 б.

*Медведев, Г. С.* Бадзым нунал: Роман. – Ижевск: Удмуртской книжной издательство, 1959. – 268 б.

*Перевощиков, Г. К.* Йыбыртты музеймы: Роман. Ижевск: Удмуртия, 1977. – 260 с.

*Перевощиков, Г. К.* Сюлэмтэм дунне: Повестьёс. Дилогия // Сюлэмтэм дунне: Романъёс, повестьёс. – Ижевск: Удмуртия, 1997. – С. 711–773.

*Петров, М. П.* Вуж Мултан: Роман. – Устинов: Удмуртия, 1987. – 360 б.

*Пукроков, Ф. П.* Кизили ныл: Роман, повестьёс. – Ижевск: Удмуртия, 1997. – 312 б.

*Самсонов, Е.* Уй пал симфония: Повестьёсын роман. – Ижевск: Удмуртия, 1989. – 274 б.

*Самсонов, Н.* Адзон: Повесть, веросьёс. – Ижевск: Удмуртия, 2000. – 76 б.

*Самсонов, С. А.* Гожтйсько тыныд – сопал дунее: Повесть, веросьёс, очерк, тодэ ваёнъёс. – Ижевск: Удмуртия, 1993. – 384 б.

*Самсонов, С. А.* Дыдыкъёс бус пöлы уг йыромо: Роман. Ижевск: Удмуртия, 1979. 384 с.

Удмурт дунне. Республиканская газета на удмуртском языке.

*Чернов, П. К.* Тулысысен сйзылыозь: Роман. – Ижевск: Удмуртия, 1989. – 384 б.

## Иньет литература

*Алатырев, В. И.* Краткий грамматический очерк удмуртского языка // Удмурт-зуч словарь. Удмуртско-русский словарь / НИИ при Сов. Мин. Удм. АССР. – М., 1983. – С. 563–591.

*ГСУЯ 1962* – Грамматика современного удмуртского языка: Фонетика и морфология / Удм. НИИ ист., экон., языка и лит.; Отв. ред. П. Н. Перовошиков. – Ижевск: Удм. кн. изд-во, 1962. – 376 с.

Удмуртско-русский словарь: Ок. 50 000 слов / РАН. УрО. Удм. ин-т ИЯЛ; Сост. Т. Р. Душенкова, А. В. Егоров, Л. М. Ившин, Л. Л. Карпова, Л. Е. Кириллова, О. В. Титова, А. А. Шибанов; Отв. редактор Л. Е. Кириллова. – Ижевск, 2008. – 925 с.

## Ватсам литература

*Каракулова, М. К., Каракулов, Б. И.* Сопоставительная грамматика русского и удмуртского языков: Учебное пособие. – Ижевск: Издательский дом «Удмуртский университет», 2001. – 228 с.

*Кельмаков, В. К.* О сложных числительных в современном удмуртском языке // Вопросы грамматики удмуртского языка. – Ижевск, 1984. – С. 18–23.

*Майтинская, К. Е.* Историко-составительная морфология финно-угорских языков. – М.: Наука, 1979. – 264 с.

*Перовошиков, П. Н.* Краткий очерк грамматики удмуртского языка. Синтаксис, лексика, морфология // Удмуртско-русский словарь / НИИ ист., языка, лит. и фольклора при Сов. Мин. Удм. АССР. – М.: ОГИЗ. Государственное издательство иностранных и национальных словарей, 1948. – С. 369–446.

*Серебренников, Б. А.* Историческая морфология пермских языков. – М.: Изд-во АН СССР, 1963. – 390 с.

*Ушаков, Г. А.* Сопоставительная грамматика русского и удмуртского языков. – Ижевск: Удмуртия, 1982. – 144 с.

*Ушаков, Г. А.* Числительной: стилистикаез но методикаез // Удмурт кылъя но литературауя урокъёс. – Ижевск, 1988. – С. 67–80.

### **Интернетъсь источникъёс**

<http://udmurtology.narod.ru/library/alatyrev/grammatika/>

<http://www.v-stetsyuk.name/ru/Hypotheses/Numerales.html>

[http://www.lib.csu.ru/vch/172/vcsu09\\_34.pdf](http://www.lib.csu.ru/vch/172/vcsu09_34.pdf)

<http://urss.ru>

<http://www.philology.ru/linguistics1/rasanen-68.htm>

**Ольга Борисовна Стрелкова**

**Туала удмурт кыл: Лыднимъёс**

Дышетон-амалтодослыко юрттос

Отпечатано с оригинал-макета заказчика

Подписано в печать \_\_. \_\_. 2011. Формат \_\_ х \_\_

Печать офсетная. Усл. печ. л. 3,1.

Тираж 30 экз. Заказ №

Типография ГОУ ВПО «Удмуртский государственный университет»

426034, Ижевск, ул. Университетская, 1, корп. 4.